

Morning Dogri (NSD) National News Bulletin 30-11-2024

आकाशवाणी

- प्रधानमंत्री नरेन्द्र मोदी होर अज्ज ओडिशा च पुलस महानिदेशकें ते पुलस महानिरक्षकें दे अखिल भारतीय सम्मेलन च हिस्सा लैंगन।
- भारत नै बंगलादेश गी आखेआ ऐ जे ओ अपने अल्पसंख्यकें दी सुरक्षा लेई लोडचदी कारवाई करै।
- पुडुचेरी कोल महाबलीपुरम ते कराईकल बश्कार अज्ज दपैहरी मगरा तेज समुंद्री तूफान फेंजाल औने गी दिक्खदे होई प्रशासन नै हाई अलर्ट दी घोशणा कीती ऐ।
- नाइजीरिया च इक किश्ती दे नाइजर नदी च डुब्बी जाने करी 27 लोक मारे गे न।
- बैडमिंटन च सईद मोदी अंतर्राष्ट्रीय प्रतियोगिता दे एकल सैमीफाइनल च पी.वी. सिंधु ते लक्ष्य सेन दा मकाबला होग।
- अंडर-19 एशिया कप क्रिकेट च दुबई च उद्घाटनी मैच भारत ते पाकिस्तान बश्कार ऐ।

<><><><><><>

PM-DGP, IGP

प्रधानमंत्री नरेन्द्र मोदी होर पुलस महानिदेशकें ते पुलस महानिरक्षकें कुल भारती सम्मेलन च शिरकत कीगन जेह्डी अज्जै थमां भुवनेश्वर, ओडिशा च शुरू होआरदी ऐते 2 दिन चलोग। गृहमंत्री अमित शाह होरें कल त्रै रोजा सम्मेलन दा शुभारंभ कीता हा। इस सम्मेलन दा आयोजन इक ऐसा मंच उपलब्ध कराने दे मकसद कन्नै कीता जा'रदा ऐ जित्थें पुलस ते सुरक्षा विभाग दे आला अधिकारी राश्ट्री सुरक्षा कन्ने जुड़े दे मुद्दें पर चर्चा ते बचार सांझा करी सकन। इस मलाटी च मता जोर राश्ट्री सुरक्षा कन्ने जुड़े दे गंभीर पैहलू, आतंकवाद, वामपंथी अतिवाद, तटीय सुरक्षा, नमें अपराधिक कनून ते नशाखोरी पर पाया जाग। विरली सेवा आस्तै प्रैजीडेंट पुलस मैडल बी इस सम्मेलन दरान दित्ते जांगन। प्रधानमंत्री कार्यालय नै इक ब्यान च आखेआ ऐ जे मोदी होर म्हेशां गै सम्मेलन च गैहरी रूचि दस्सी ऐ जेह्दे च खुले तौर पर अनोपचारिक तरीके चर्चा करियै नमें बचार सामने ओंदे न।

राश्ट्री सुरक्षा सलाहकार अजीत डोभाल ते प्रधानमंत्री हुंदे सचिव पी.के.मिश्रा होर मुख्ख तौर पर इस सम्मेलन च शामिल होंगन। प्रधानमंत्री होरें जंदी संजा 3 दिनें ओडिशा दे दौरे आस्तै भुवनेश्वर पुज्जे हे। भुवनेश्वर पुज्जने मगरा प्रधानमंत्री होरें बीजू पटनायक अंतर्राश्ट्रीय हवाई अड्डे कोल इक जनसभा गी संबोधत कीता। इस दरान हवाई अड्डे थमां राजीवन तोड़ी रोड शो दा आयोजन बी कीता गेआ।

<><><><><><>

India Bangladesh

भारत नै बंग्लादेश गी आखेआ ऐ जे उने अपने अल्पसंख्यकें दी सुरक्षा लेई लोडचदी कारवाई करै। विदेश मंत्रालय दे प्रवक्ता रणधीर जयसवाल होरें कल नमीं दिल्ली च मीडिया गी संबोधत करदे होई आखेआ जे भारत नै बंग्लादेश सरकार कन्नै उत्थें हिंदुएं ते दुए अल्पसंख्यकें पर कीते जा'रदे हमले ते उनेंगी बने दे खतरे बारे मुद्दे गी लगातार सख्ती कन्नै चुक्केआ ऐ। उनें आखेआ जे भारत दा इस मामले पर रौह स्पष्ट ऐ जे अंतरिम सरकार गी सब्बने अल्पसंख्यकें गी सुरक्षा देने दी जिम्मेवारी गी पूरा करना लोडचदा। विदेश मंत्रालय दे प्रवक्ता होरें बंग्लादेश च अतिवारी रूझान च तेजी औने ते हिंसा ते उकसावे आली घटनाएं पर चिंता प्रकट कीती ऐ। उनें आखेआ जे इनें रिपोर्टें गी मीडिया आस्सेआ बधाई—चढ़ाइयै दस्से जाने आले मामले दे तौर पर नजरअंदाज नेई कीता जाई सकदा। श्री जयसवाल होरें आखेआ जे इस मामले च कनूनी प्रक्रिया जारी ऐ ते असंगी मेद ऐ जे एह प्रक्रिया पादर्शी ते निरपक्खता कन्नै कीती जाग ते सब्बने दे कनूनी अधिकार दा आदर कीता जाग।

<><><><><><>

Puducherry Cyclone

पुडुचेरी च महाबलीपुरम ते करईकल बश्कार अज्ज दपैहरी मगरा 90 किलसेमीटर प्रति घैंटे दी रफतार आला समुंद्री तूफान फैंजाल आवा'रदा ऐ। कल दक्खन पश्चिमी बंगाल दी खाड़ी च इक चक्रवाती तूफान करी वातावरण दे दवाह च डूंहगी गिरावट मगरा एहकड तेज समुंद्री तूफान औने दे आसार बने। पुडुखेरी प्रशासन नै कुसै गी स्थिति कन्नै निबड़ने आस्तै हाई अलर्ट दी घोषणा कीती ऐ ते केन्द्र शासत प्रदेश सारे कुदै, आपता प्रबंधन दे व्यापक उपाएं गी लागू करी दित्ता ऐ। जोआई तमिलनाडू सरकार नै बी आम लोकें गी तूफान रूकने तोड़ी अपने घरें चा बाहर नेई निकलने दी सलाह दित्ती ऐ।

चेन्नई हवाई अड्डे पर 6 फ्लाइटें गी जिंदे च इक फ्लाइट सिंगापुर थमां औने-जाने आली ऐ। खराब मौसम करी रद्द कीता गेआ ऐ।

<><><><><><>

Nigeria

नाइजीरिया च मता भारत नेई चल्लने करी नाइजर च किशती डुब्बी जाने करी 27 लोकें दी मौत होई गई ऐ ते 100 जने लापता होई गे न। नाइजर राज्य आपातकालीन प्रबंधन इकाई नै आखेआ ऐ जे तकरीबन 200 यात्रु, जिंड़े च मतियां महिलां हियां, कोगी थाहर थमां नाइजर दे कन्नै लगदे राज्य च किशती च बेइयै जा'रदे हे। कोगी राज्य आपातकालीन सेवाएं दस्सेआ जे बचाह कर्मी नैहरे थमां 27 लोथां कछ्छने च कामयाब रेह ते बाकी दे लोकें दी तलाश जारी ऐ। नाइजीरियादे दूर दरेड़े इलाकें च किशितएं खरी मती भीड़ आम गल्ल ऐ जेहदा कारण शिड़क संपर्क दा खरा नेई होना ऐ।

<><><><><><>

Rev Badminton

अज्ज लखनऊ दे सैयद मोदी अंतर्राष्ट्री बैडमिंटन चैंपियनशिप दे सेमीफाइनल मुकाबले खेड्डे जाडन। महिलाएं दे इक्कले-इक्कले मुकाबले च, शीर्ष भारती खड्ढारन ते द'ऊं बारी दी ओलंपिक पदक विजेता पीवी सिंधु हुंदा मुकाबला उन्नति हुड्डा कन्नै होग। मर्दे दे इक्कले-इक्कले मुकाबले च, लक्ष्य सेन दा सामना जापान दे शोगो ओगावा ते दुए नम्बरै दे प्रियांशु राजावत दा मुकाबला सिंगापुर दे चौथे नम्बरै दे खड्ढारी जिया हेंग जेसन तेह कन्नै होग। कल पी.सी. सिंधु नै चीन दी दाई वांग ते लक्ष्य सेन नै क्वार्टर फाइनल च मीराबा लुवांग मैसनाम गी हराया हा। महिला दे डब्ल्स मुकाबले च, त्रिशा जॉली ते गायत्री गोपीचंद हुंदी जोड़ी ते अश्विनी पोनप्पा ते तनिषा क्रेस्टो हुंदी जोड़ी बी अखीरले चार च पुज्जी गई ऐ।

<><><><><><>

Under-19 Asia Cup

अज्ज बडलै दुबई च अंडर-19 एशिया कप क्रिकेट च भारत अपने गुप-ए दे उद्घाटनी मैच च पाकिस्तान कन्नै खेडोग। भारतीय समें मूजब मैच बडलै साढ़े 10 बजे शुरू होग।

<><><><><><>

LS-SHE Portal

महिला ते बाल विकास राज्य मंत्री सावित्री ठाकुर होरें दस्सेआ ऐ जे सरकार नै She-bon पोर्टल विकसित करी लैता ऐ। इस पैहल दा मकसद कम्मे आली थाहर पर महिला दा यौन उत्पीड़न रोकना ते एह्दे तैह्त ऐसे मामलें दी जांच पूरी करने दा समे 90 दिन ऐ, इस पोर्टल गी राज्य ते केन्द्र शासत प्रदेश प्रशासन स्तर दी स्थानीय कमेटिं, निजी क्षेत्र ते सरकारी दफतरें आस्तै तैआर कीता गेआ ऐ। लोकसभा च इक लिखित परते च मंत्री होरें दस्सेआ जे सरकार नै कम्म करने आली थाहरें पर महिलाएं दे यौन उत्पीड़न रोकने ते ऐसे मामलें दी सुनवाई करने आस्तै कनून बनाया ऐ जेह्दे हेठ महिलाएं गी सुरक्षा दित्ती जाग ते सरबंघत शकैतें दा नबेड़ा बी कीता जाग।

<><><><><><>

IFFI-Goa

गावा च संजा लै 55मां अंतर्राष्ट्रीय फिल्म महोत्सव दा समापन होई जाग। समापन समारोह च भारतीय सिनेमा दे किश मन्ने परमन्ने दे लोकें शिरकत कीती। इस मौके उप्पर प्रतिष्ठित गोल्डन पीकॉक अवार्ड सनें केई प्रतिष्ठित पुरस्कारें दी घोषणा कीती गेई। भारत दी 3 फिल्में सनें 15 फिल्मां इनें पुरस्कारें लेई मकाबले च हियां। इस महोत्सव च बक्ख-बक्ख भाषाएं ते विधाएं दिएं तकरीबन 180 फिल्मां दस्सियां गेइयां।

<><><><><><>

NSG

जम्मू कश्मीर च पुलसा दे जम्मू जोन दे अडीशनल डरैक्टर जनरल आनंद जैन होरें आखेआ ऐ जे जम्मू च सुरक्षाबलें दे सैह्योग लेई राष्ट्री सुरक्षा गार्ड एनएसजी दी तैनाती कीती गेई ऐ।

जैन होरें गलाया जे खित्ते च हाल दे समें दरान आतंकवादी हमलें च होए दे बाद्धे गी दिक्खदे होई गृहमंत्रालय दे निर्देशें पर एनएसजी दे इक विशेष युनिट गी जम्मू च तैनात कीता गेआ ऐ ते पुलस गी इनें विशेष बलें थमां सैहयोग थ्होआ करदा ऐ। एडीजीपी होरें इब्बी आखेआ जे आतंकवादी ढांचे ते एह्दे नेटपर्क दा समूलचा नास करने दे मकसद कन्नै जम्मू खित्ते च बड्डे स्तरै पर तपाशी अभियान चलाए जा करदे न।

<><><><><><>